

文淵閣

四庫全書

影印

文淵閣四庫全書

第一四五九冊

北京出版集團公司  
北京出版社

# 本册目次

唐賢三昧集

清 王士禛編……………一

二家詩選

清 王士禛編……………六一

唐人萬首絕句選

宋 洪邁元本……………八五  
清 王士禛編……………

明 詩 綜(一)

清 朱彝尊編……………一七三

欽定四庫全書

集部  
唐賢三昧集卷上

欽定四庫全書

集部八

唐賢三昧集

總集類

提要

臣等謹按唐賢三昧集三卷

國朝王士禛編士禛有古懽錄已著錄初士禛

少年嘗與其兄士祿撰神韻集見所作居易

錄中然其書為人改竄已非其舊故晚定此

編皆錄盛唐之作名曰三昧取佛經自在義

欽定四庫全書

唐賢三昧集  
提要

也詩自太倉歷下以雄渾博麗為主其失也

庸公安竟陵以清新幽渺為宗其失也說學

者兩途並窮不得不折而入宋其弊也滯而

不靈直而好盡語錄史論皆可成篇於是士

禛等重申嚴羽之說獨主神韻以矯之蓋亦

救弊補偏各明一義其後風流相尚光景流

連趙執信等遂復操二馮舊法起而相爭所

作談龍錄排詆是書不遺餘力其論雖非無

詳校官中書臣涂日煥

主事銜臣徐以坤覆勘

總校官降調編修臣倉聖脉

校對官編修臣徐秉敬

騰錄監生臣陳寶君

見然兩說相濟其理乃全殊途同歸未容偏

廢今仍並錄存之以除門戶之見又問若璩

潜邱劄記有與趙執信書詆此集所錄如張

旭四絕句本宋蔡襄詩而誤收又詆其祖詠

詩誤以京水為涇水孟浩然詩誤以汾陽為

潯陽王維詩誤以御亭為卸亭蔡洲為蔡州

高適燕歌行誤以渝關為榆關全不講於地

理之學引据精詳皆切中其病然士禎自品

欽定四庫全書

唐賢三昧集

二

詩格原不主於考証若璩所云不必為是集

諱亦不必為是集病也乾隆四十六年十月

恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

唐賢三昧集卷上

刑部尚書王士禎編

王維

贈劉藍田

離間犬迎吠出屋候荆扉歲晏輸井稅山村人夜歸晚

田始家食餘布成我衣詎肯無公事煩君問是非

贈祖三詠

欽定四庫全書

唐賢三昧集

卷上

蟪蛄挂虛牖蟋蟀鳴前除歲晏涼風至君子復何如高

館聞無人離居不可道閉門寂已閉落日照秋草雖有

近音信千里阻河關中復客汝潁去年歸舊山結交二

十載不得一日展貧病子既深契闊余不淺仲秋雖未

歸暮秋以為期良會詎幾日終日長相思

戲贈張五弟諲

吾弟東山時心尚一何遠日高猶自卧鐘動始能飯領

上髮未梳牀頭書不卷清川興悠悠空林對偃蹇青苔

石上淨細草松下軟牕外鳥聲閒階前虎心善徒然萬  
象多澹爾太虛緬一知與物平自顧為人淺對君忽自  
得浮念不煩遣

奉寄韋太守陟

荒城自蕭索萬里山河空天高秋日迴嘹唳聞歸鴻寒  
塘映衰草高館落疎桐臨此歲方晏顧景詠悲翁故人  
不可見寂寞平陵東

和使君五郎西樓望遠思歸

欽定四庫全書

唐賢三昧集  
卷上

二

高樓望所思極目情未畢枕上身十里牕中窺萬室悠  
悠長路人曖曖遠郊日惆悵極浦外迢遞孤烟出能賦  
屬上才思歸同下秩故鄉不可見雲水空如一

送魏郡李太守赴任

與君伯氏別又欲與君離君行無幾日當復隔山陂蒼  
茫秦川盡日落桃林塞獨樹臨關門黃河向天外前經  
洛陽陌宛洛故人稀故人離別盡淇上轉駢馱企予悲  
送遠惆悵睢陽路古木官渡平秋城鄴宮故想君行縣

日其出從如雲遙思魏公子復憶李將軍

送宇文太守赴宣城

寥落雲外山迢遙舟中賞鏡吹發西江秋空多清響地  
迴古城蕪月明寒潮廣時賽敬亭神復解罟師網何處  
寄相思南風吹五兩

送別

下馬飲君酒問君何所之君言不得意歸卧南山陔但  
去莫復問白雲無盡時

欽定四庫全書

唐賢三昧集  
卷上

三

濟州送祖三

相逢方一笑相送還成泣祖帳已傷離荒城復愁入天  
寒遠山淨日暮長河急解纜君已遙望君猶佇立

送綦毋潛落第還鄉

聖代無隱者英靈盡來歸遂令東山客不得顧采薇既  
至君門遠孰云吾道非江淮度寒食京洛縫春衣置酒  
臨長道同心與我違行當逢桂棹未幾拂荆扉遠樹帶  
行客孤城當落暉吾謀適不用勿謂知音稀

別弟縉後登青龍寺望藍田山

陌上新別離蒼茫四郊晦登高不見君故山復雲外遠  
樹蔽行人長天隱秋塞心悲宦遊子何處飛征蓋

藍田山石門精舍

落日山水好漾舟信歸風探竒不覺遠因以緣源窮遙  
愛雲木秀初疑路不同安知清流轉偶與前山通捨舟  
理輕策果然愜所適老僧四五人逍遙陰松栢朝梵林  
未曙夜禪山更寂道心及牧童世事問樵客暝宿長林  
欽定四庫全書 唐賢三昧集 卷上 四

青谿

言入黃花川每逐青谿水隨山將萬轉趣途無百里聲  
喧亂石中色靜深松裏漾漾汎菱苕澄澄映葭葦我心  
素已閒清川澹如此請留盤石上垂釣將已矣

崔濮陽兄季重前山興

秋色有佳興况君池上閒悠悠西林下自識門前山千

里橫黛色數峰出雲間嵯峨對秦國合沓藏荆關殘雨  
斜日照夕嵐飛鳥還故人今尚爾歎息此顏顏

丁寓田家有贈

君心尚棲隱久欲傍歸路在朝每為言解印果成趣晨  
雞鳴鄰里羣動從所務農夫行餉田閨妾起縫素開軒  
御衣服散帙理章句時吟招隱詩或製閒居賦新晴望  
郊郭日映桑榆暮陰盡小苑城微明渭川樹揆予宅閭  
井幽賞何由屢道存終不忘迹異難相遇此時惜離別  
再來芳菲度

渭川田家

斜陽照墟落窮巷牛羊歸野老念牧童倚杖候荆扉雉  
雉麥苗秀蠶眠桑葉稀田夫荷鋤至相見語依依即此  
羨閒逸悵然吟式微

春中田園作

屋上春鳩鳴村邊杏花白持斧伐遠揚荷鋤覘泉脈歸  
燕識故巢舊人看新歷臨觴忽不御惆悵遠行客

過李揖宅

閒門秋草色終日無車馬客來深巷中  
犬吠寒林下散髮時未簪道書行尚把  
與我同心人樂道安貧者一罷宜城酌  
還歸洛陽社

宿鄭州

朝與周人辭暮投鄭人宿他鄉絕儔侶  
孤客親僮僕宛洛望不見秋霖晦平陸  
田父草際歸村童雨中牧主人東臯上  
時稼遶茆屋蟲思機杼悲雀喧禾黍熟  
明當渡

欽定四庫全書

唐賢三昧集

六

京水昨晚猶金谷此去欲何言窮邊徇微祿

西施詠

豔色天下重西施寧久微朝為越谿女  
暮作吳宮妃賤日豈殊衆貴來方悟稀  
邀人傳香粉不自著羅衣君寵益嬌態  
君憐無是非當時浣紗伴莫得同車歸  
持謝

作寄 鄰家子效翠安可希

夷門歌

七雄雄雌猶未分攻城殺將何紛紛  
秦兵益圍邯鄲急

魏王不救平原君公子為嬴停駟馬  
執轡愈恭意愈下

亥為屠肆鼓刀人嬴乃夷門抱關者  
非但慷慨獻奇謀意氣兼將身命酬  
向風刎頸送公子七十老翁何所求

隴頭吟

長城少年游俠客夜上戍樓看太白  
隴頭明月迴臨關隴上行人夜吹笛  
關西老將不勝愁駐馬聽之雙淚流  
身經大小百餘戰麾下偏裨萬戶侯  
蘇武纔為典屬國節旄空盡海西頭

欽定四庫全書

唐賢三昧集

七

老将行

少年十五二十時步行奪取胡馬騎  
射殺陰山白額虎肯數鄴下黃鬚兒  
一身轉戰三千里一劍曾當百萬師  
漢兵奮迅如霹靂虜騎崩騰畏蒺藜  
衛青不敗由天幸李廣無功緣數奇  
自從棄置便衰朽世事蹉跎成白首  
昔時飛雀無全目今日垂楊生左肘  
路傍時賣故侯瓜門前學種先生柳  
蒼苔古木連窮巷寥落寒山對虛牖  
誓令疏勒出飛泉不似潁川空使酒  
賀蘭山下陣如雲



羽檄交馳日夕聞節使三河募年少詔書五道出將軍  
試拂鐵衣如雪色聊持寶劍動星文願得燕弓射天將  
恥令越甲鳴吾君莫言舊日雲中守猶堪一戰立功勳

### 桃源行

漁舟逐水愛山深兩岸桃花夾去津坐看紅樹不知遠  
行盡青谿不見人山口潛行始隈隩山開曠望旋平陸  
遙看一處攢雲樹近入千家散花竹樵客初傳漢姓名  
居人未改秦衣服居人共住武陵源還從物外起田園

欽定四庫全書

唐賢三昧集  
卷上

月明松下房攏靜日出雲中雞犬喧驚聞俗客爭來集  
競引還家問都邑平明閭巷掃花開薄暮漁樵乘水入  
初因避地去人間及至成仙遂不還峽裏誰知有人事  
世中遙望空雲山不疑靈境難聞見塵心未盡思鄉縣  
出洞無論隔山水辭家終擬長游行自謂經過舊不迷  
安知峰壑今來變當時只記入山深青谿幾曲到雲林  
春來遍是桃花水不辨仙源何處尋

故人張諲工詩善易卜兼能丹青草隸項以詩見

### 贈聊獲酬之

不逐城東遊俠兒隱囊紗帽坐彈碁蜀中夫子時開卦  
洛下書生解詠詩藥欄花逕衡門裏時復據梧聊隱几  
屏風誤點惑孫郎團扇草書輕內史故園高枕度三春  
永日垂帷絕四鄰自惜蔡邕今已老更將書籍與何人  
輞川閒居贈裴秀才迪

寒山轉蒼翠秋水日潺湲倚杖柴門外臨風聽暮蟬渡  
頭餘落日墟里上孤烟復值接輿醉狂歌五柳前

欽定四庫全書

唐賢三昧集  
卷上

### 寄荊州張丞相

所思竟何在悵望深荆門舉世無相識終身思舊恩方  
將與農圃藝植老丘園目盡南無鴈何由寄一言

### 冬晚對雪憶胡居士家

寒更傳曉箭清鏡覽衰顏隔牖風驚竹閉門雪滿山灑  
空深巷靜積素廣庭閒借問袁安舍儵然尚閉關

### 酬虞部蘇員外過藍田別業不見留之作

貧居依谷口喬木帶荒村石路枉迴駕山家誰候門漁

舟膠凍浦獵火燒寒原唯有白雲外疎鐘聞夜猿

酬張少府

晚年唯好靜萬事不關心自顧無長策空知返舊林松  
風吹解帶山月照彈琴君問窮通理漁歌入浦深

送丘為落第歸江東

憐君不得意况復柳條春為客黃金盡還家白髮新五  
湖三畝宅萬里一歸人知禰不能薦羞稱獻納臣

送李判官赴江東

欽定四庫全書

唐賢三昧集  
卷上

十

聞道皇華使方隨皂蓋臣封章通左語冠冕化文身樹  
色分揚子潮聲滿富春遥知辨璧吏恩到泣珠人

送岐州源長史歸

握手一相送心悲安可論秋風正蕭索客散孟嘗門故  
驛通槐里長亭下槿原征西舊旌節從此向河源

同崔興宗送衡嶽瑗公南歸

言從石菌閣新下穆陵關獨向池陽去白雲留故山綻  
衣秋日裏洗鉢古松間一施傳心法唯將戒定還

送丘為往唐州

宛洛有風塵君行多苦辛四愁連漢水百口寄隨人槐  
色陰清晝揚花惹暮春朝端肯相送天子繡衣臣

送元中丞轉運江淮

薄稅歸天府輕徭賴使臣歡霑賜帛老恩及卷綃人去  
問珠官俗來經石蚌春東南御亭上莫使有風塵

送崔九興宗遊蜀

送君從此去轉覺故人稀徒御猶回首田園方掩扉出

欽定四庫全書

唐賢三昧集  
卷上

十一

門當旅食中路授寒衣江漢風流地遊人何歲歸

送平澹然判官

不識陽關路新從定遠侯黃雲斷春色畫角起邊愁瀚  
海經年到交河出塞流須令外國使知飲月氏頭

送劉司直赴安西

絕域陽關道胡沙與塞塵三春時有鴈萬里少行人首  
管隨天馬葡萄逐漢臣當令外國懼不敢覓和親

送方城韋明府

遙思葭葦際寥落楚人行高鳥長淮水平蕪故郢城使  
車聽雉乳縣鼓應雞鳴若見州從事無嫌手板迎

送梓州李使君

萬壑樹參天千山響杜鵑山中一夜雨樹杪百重泉漢  
女輸撞布巴人訟芋田文翁翻教授不敢倚先賢

送張五諲歸宣城

五湖千萬里况復五湖西漁浦南陵郭人家春穀谿欲  
歸江淼淼未到草萋萋憶想蘭陵鎮可宜猿夜啼

欽定四庫全書

唐賢三昧集  
卷上

十三

送人南歸

萬里春應盡三江鴈亦稀連天漢水廣孤客郢城歸郎  
國稻苗秀楚人菰米肥懸知倚門望遙識老萊衣

送賀遂員外外甥

南國有歸舟荆門泝上流蒼茫葭外雲水與昭丘檣  
帶城烏去江連暮雨愁猿聲不可聽莫待楚山秋

送楊長史赴果州

衰斜不容憶之子去何之鳥道一千里猿聲十二時官

橋祭酒客山木女郎祠別後同明月君應聽子規

送邢桂州

鏡吹喧京口風波下洞庭赭圻將赤岸擊汰復揚舲日  
落江湖白潮來天地青明珠歸合浦應逐使臣星

送孟六歸襄陽

杜門不復出久與世情疎以此為長策勸君歸舊廬醉  
歌田舍酒笑讀古人書好是一生事無勞獻子虛

登裴秀才迪小臺

端居不出戶滿目望雲山落日鳥邊下秋原人外閒遙  
知遠林際不見此蒼間好客多乘月應門莫上關

欽定四庫全書

唐賢三昧集  
卷上

十三

過香積寺

不知香積寺數里入雲峰古木無人徑深山何處鐘泉  
聲咽危石日色冷青松薄暮空潭曲安禪制毒龍

過感化寺曇興上人山院

暮持筇竹杖相待虎谿頭催客聞山響歸房逐水流野  
花叢發好谷鳥一聲幽夜坐空林寂松風直似秋

登辨覺寺

竹徑從初地蓮峰出化城  
牕中三楚盡林上九江平  
軟草乘趺坐長松響梵聲  
空居法雲外觀世得無生

喜祖三至留宿

門前洛陽客下馬拂征衣  
不枉故人駕平生多掩扉  
行人返深巷積雪帶餘暉  
早歲同袍者高車何處歸

山居秋暝

空山新雨後天氣晚來秋  
明月松間照清泉石上流  
竹喧歸浣女蓮動下漁舟  
隨意春芳歇王孫自可留

欽定四庫全書

唐賢三昧集  
卷上

十四

終南別業

中歲頗好道晚家南山陲  
興來每獨往勝事空自知  
行到水窮處坐看雲起時  
偶然值林叟談笑無還期

歸嵩山作

清川帶長薄車馬去閒閒  
流水如有意暮禽相與還  
荒城臨古渡落日滿秋山  
迢遞嵩高下歸來且閉關

歸輞川作

谷口疎鐘動漁樵稍欲稀  
悠然遠山暮獨向白雲歸  
菱蔓弱難定楊花輕易飛  
東臯春草色惆悵掩柴扉

終南山

太乙近天都連山到海隅  
白雲迴望合青靄入看無  
分野中峰變陰晴衆壑殊  
欲投人處宿隔水問樵夫

觀獵

風勁角弓鳴將軍獵渭城  
草枯鷹眼疾雪盡馬蹄輕  
忽過新豐市還歸細柳營  
迴看射鵰處千里暮雲平

欽定四庫全書

唐賢三昧集  
卷上

十五

漢江臨汎

楚塞三湘接荆門九派通  
江流天地外山色有無中  
郡邑浮前浦波瀾動遠空  
襄陽好風日留醉與山公

登河北城樓作

井邑傳巖上客亭雲霧間  
高城眺落日極浦映蒼山  
岸火孤舟宿漁家夕鳥還  
寂寥天地暮心與廣川閒

使至塞上

單車欲問邊屬國過居延  
征蓬出漢塞歸鴈入胡天  
大

漠孤烟直長河落日圓蕭關逢候吏都護在燕然

秋夜獨坐

獨坐悲雙鬢空堂欲二更雨中山果落燈下草蟲鳴白髮終難變黃金不可成欲知除老病唯有學無生

奉和聖製從蓬萊向興慶閣道中留春雨中春望

之作應制

渭水自縈秦塞曲黃山舊遠漢宮斜鑿輿迴出仙門柳閣道迴看上苑花雲裏帝城雙鳳闕雨中春樹萬人家

欽定四庫全書

唐賢三昧集  
卷上

六

為乘陽氣行時令不是宸遊翫物華

敕賜百官櫻桃

芙蓉闕下會千官紫禁朱櫻出上闌纔是寢園春薦後非闕御苑鳥銜殘歸鞍競帶青絲籠中使頻傾赤玉盤飽食不須愁內熱大官還有蔗漿寒

敕借岐王九成宮避暑應教

帝子遠辭丹鳳闕天書遙借翠微宮隔牕雲霧生衣上卷幔山泉入鏡中林下水聲喧語笑巖間樹色隱房櫺

仙家未必能勝此何事吹笙向碧空

和太常韋主簿五郎溫湯寓目之作

漢主離宮接露臺秦川一半夕陽開青山盡是朱旗繞碧澗翻從玉殿來新豐樹裏行人度小苑城邊獵騎迴聞道甘泉能獻賦懸知獨有子雲才

酬郭給事

洞門高閣靄餘輝桃李陰陰柳絮飛禁裏疎鐘官舍晚省中啼鳥吏人稀晨搖玉珮趨金殿夕奉天書拜瑣闈

欽定四庫全書

唐賢三昧集  
卷上

七

強欲從君無那老將因卧病解朝衣

出塞作

居延城外獵天驕白草連山野火燒暮雲空磧時驅馬秋日平原好射鵰護羌校尉朝乘障破虜將軍夜渡遼玉靶角弓朱勒馬漢家將賜霍嫖姚

送楊少府貶郴州

明到衡山與洞庭若為秋月聽猿聲愁看北渚三湘遠惡說南風五兩輕青草瘴時過夏口白頭浪裏出湓城

長沙不久留才子賈誼何須弔屈平

過乘如禪師蕭居士萬丘蘭若

無著天親弟與兄萬丘蘭若一峰晴食隨鳴磬巢鳥下  
行踏空林落葉聲迸水定侵香案濕雨花應共石牀平  
深洞長松何所有儼然天竺古先生

春日與裴迪過新昌里訪呂逸人不過

桃源一向絕風塵柳市南頭訪隱淪到門不敢題凡鳥  
看竹何須問主人城上青山如屋裏東家流水入西鄰

欽定四庫全書

唐賢三昧集  
卷上

六

閉戶著書多歲月種松皆作老龍鱗

酌酒與裴迪

酌酒與君君自寬人情翻覆似波瀾白首相知猶按劍  
朱門先達笑彈冠草色全經細雨濕花枝欲動春風寒  
世事浮雲何足問不如高卧且加餐

積雨輞川莊作

積雨空林烟火遲蒸藜炊黍餉東菑漠漠水田飛白鷺  
陰陰夏木轉黃鸝山中習靜觀朝槿松下清齋折露葵

野老與人爭席罷海鷗何事更相疑

送秘書晁監還日本

積水不可極安知滄海東九州何處所萬里若乘空向  
國唯看日歸帆但信風鼉身映天黑魚眼射波紅鄉樹  
扶桑外主人孤島中別離方異域音信若為通

送李太守赴上洛

商山包楚鄧積翠靄沈沈驛路飛泉灑關門落照深野  
花開古戍行客響空林板屋春多雨山城晝易陰丹泉

欽定四庫全書

唐賢三昧集  
卷上

十九

通號略白羽抵荆岑若見西山爽應知黃綺心

曉行巴峽

際曉投巴峽餘春憶帝京晴江一女浣朝日衆禽鳴水  
國舟中市山橋樹杪行登高萬井出眇迴二流明人作  
殊方語鶯為故國聲賴多山水趣稍解別離情

息夫人

莫以今時寵能忘舊日恩看花滿眼淚不共楚王言

班婕妤

宮殿生秋草君王恩幸疎那堪聞鳳吹門外度金輿

輞川集

孟城坳

新家孟城口古木餘衰柳來者復為誰空悲昔人有

華子岡

飛鳥去不窮連山復秋色上下華子岡惆悵情何極

斤竹嶺

檀欒映空曲青翠漾連漪暗入商山路樵人不可知

欽定四庫全書

唐賢三昧集  
卷上

鹿柴

空山不見人但聞人語響返景入深林復照青苔上

木蘭柴

秋山斂餘照飛鳥逐前侶彩翠時分明夕嵐無處所

文杏館

文杏裁為梁香茅結為宇不知棟裏雲去作人間雨

宮槐陌

仄徑蔭宮槐幽陰多綠苔鴈門但迎掃畏有山僧來

南垞

輕舟南垞去北垞森難即隔浦望人家遙遙不相識

歌湖

吹簫凌極浦日暮送夫君湖上一回首青山卷白雲

樂家瀨

颯颯秋雨中淺淺石溜瀉跳波自相濺白鷺鷺復下

白石灘

清淺白石灘綠蒲向堪把家住水東西浣紗明月下

欽定四庫全書

唐賢三昧集  
卷上

北垞

北垞湖水北雜樹映朱欄逶迤南川水明滅青林端

竹里館

獨坐幽篁裏彈琴復長嘯深林人不知明月來相照

辛夷塢

木末芙蓉花山中發紅萼澗戶寂無人紛紛開且落

漆園

古人非傲吏自闕經世務偶寄一微官婆婆數株樹

皇甫嶽雲谿雜題

鳥鳴磻

人間桂花落夜靜春山空月出鷺山鳥時鳴春澗中

鷓鴣堰

乍向紅蓮沒復出青蒲颺獨立何離襪銜魚古查上

上平田

朝耕上平田暮耕上平田借問問津者寧知沮溺賢

萍池

欽定四庫全書

唐野三昧集

卷上

春池深且廣會待輕舟迴靡靡綠萍合垂楊掃復開

荅裴迪輞口遇雨憶終南山之作

森森寒流廣蒼蒼秋雨晦君問終南山心知白雲外

送別

山中相送罷日暮掩柴扉春草年年綠王孫歸不歸

臨高臺送黎拾遺

相送臨高臺川原杳何極日暮飛鳥還行人去不息

崔九弟欲往南山馬上口號與別

城隅一分手幾日還相見山中有桂花莫待花如霰

雜詩二首

家住孟津河門對孟津口常有江南船寄書家中否

君自故鄉來應知故鄉事來日綺牕前寒梅著花未

相思

紅豆生南國秋來發幾枝願君多采擷此物最相思

哭孟浩然

故人不可見漢水日東流借問襄陽老江山空蔡州

欽定四庫全書

唐野三昧集

卷上

少年行

新豐美酒斗十千咸陽遊俠多少年相逢意氣為君飲

繫馬高樓垂柳邊

一身能擘兩雕弧虜騎千重只似無偏坐金鞍調白羽

紛紛射殺五單于

九月九日憶山東兄弟

獨在異鄉為異客每逢佳節倍思親遙知兄弟登高處

遍插茱萸少一人



送元二使安西

渭城朝雨裊輕塵，客舍青青柳色新。  
勸君更盡一杯酒，西出陽關無故人。

送韋評事

欲逐將軍取右賢，沙場走馬向居延。  
遙知漢使蕭關外，愁見孤城落日邊。

送沈子歸江東

楊柳渡頭行客稀，吾師盪槳向臨圻。  
唯有相思似春色

欽定四庫全書

唐賢三昧集 卷上

三四

江南江北送君歸

寒食汜上作

廣武城邊逢暮春，汶陽歸客淚沾巾。  
落花寂寂啼山鳥

楊柳青青渡水人

王縉

同王昌齡裴迪遊青龍寺曇壁上人  
凡院集和兄

維

林中空寂舍階下，終南山高卧一牀。  
地迴看六合間，浮

雲幾處滅飛鳥，何時還問義天人。  
接無心世界間，誰知大隱者兄弟自追攀。

別輞川別業

山月曉仍在，林風涼不絕。  
殷勤如有情，惆悵令人別。

裴迪

孟城坳

結廬古城下，時登古城上。  
古城非疇昔，今人自來往。

華子岡

欽定四庫全書

唐賢三昧集 卷上

三五

落日松風起，還家草露晞。  
雲光侵履跡，山翠拂人衣。

斤竹嶺

明流紆且直，綠篠密復深。  
一逕通山路，行歌望舊岑。

鹿柴

日夕見寒山，便為獨往客。  
不知深林事，但有麝鹿跡。

木蘭柴

蒼蒼落日時，鳥聲亂谿水。  
緣谿路轉深，幽興何時已。

茱萸泚